

GARAPENERAKO LANKIDETZAREN EUSKAL KONTSEILUA

2017ko URRIAREN 4ko OHIKO BILKURAREN AKTA

Bertaratuak:

Juan Antonio Fernández, GEBlren idazkari nagusia eta Kontseiluko presidentea
Lehendakariak eskuordetuta

Sofía Marroquín andrea, Euskadiko GGKEen Koordinakundeko presidentea eta
Kontseiluko presidenteordea

Paul Ortega jauna, Garapenerako Lankidetzaren Euskal Agentziaren zuzendaria

Irma Basterra andrea, Ekonomiaren Garapen eta Azpiegitura Saila ordezkatzuz

José Ignacio Bañuelos, Hezkuntza Saila ordezkatzuz

Jordi Campás jauna, Ogasun eta Ekonomia Saila ordezkatzuz

Marcos Muro jauna, Enplegu eta Gizarte Politiketako Saila ordezkatzuz

Mikel Antón jauna, Lehendakaritza ordezkatzuz

Nekane Zeberio andrea, Arabako Foru Aldundia ordezkatzuz.

María Guijarro andrea, Bizkaiko Foru Aldundia ordezkatzuz

Fernando San Martín jauna, Gipuzkoako Foru Aldundia ordezkatzuz

Juanma Balerdi jauna, Euskal Fondoa ordezkatzuz

Ana Oregi andrea, Eusko Legebiltzarreko Giza Eskubideen, Berdintasunaren eta
Herritarren Partaidetzaren Batzordea ordezkatzuz

Mila Domínguez andrea, Iñigo Eguren jauna, Josu Urrutia jauna, Irene Molero andrea,
Santiago Martínez jauna, Eneko Gerrikabeitia jauna, Iñaki Orube jauna eta Eva Silván
andrea, Euskadiko GGKEen Koordinakundea ordezkatzuz.

Carlos García de Bakedano jauna, Patricia Bárcena andrea, Carlos Askunze jauna,
Joseba Andoni Sainz de Murieta jauna, Gorka Urrutia jauna eta Igone Revilla andrea,
garapenerako lankidetzako beste euskal gizarte-eragile batzuk ordezkatzuz

Noemí de la Fuente andrea, Kontseiluko idazkaria, hitzarekin baina botorik gabe

Kontseiluaren presidentek gonbidatuta, Garapenerako Lankidetzaren Euskal
Agentziaren aholkulari juridiko Ana Rojo eta "Euskal lankidetzaren garapenaren
nazioarteko testuinguru berrian" ikerketaren egile Ignacio Martínez bertaratu dira.

Ezin etorria adierazi dutenak:

Elena Moreno andrea, Ingurumen, Lurralde Plangintza eta Etxebizitza Saila ordezkatzuz

Fátima Ansotegi andrea, Osasun Saila ordezkatzuz

Zuriñe Elordi andrea, Emakunde ordezkatzuz, ez da bertaratu aurreko egunean Araban gertatutako genero-indarkeriaren kasuaz arduratu behar duelako.

Maite Etxebarria andrea, EUDEL ordezkatzuz

María del Mar Magallón andrea, Euskadiko GGKEen Koordinakundea ordezkatzuz

Lekua: Lakua

Eguna eta ordua: 2016ko urriaren 26a, 10:30

Bilkurari hasiera emateko, Kontseiluaren presidentek ongietorria egiteko hitz batzuk esan ditu. Jonan Fernándezek esan du Garapenerako Lankidetzaren Euskal Kontseilua (GLEK) Giza Eskubide, Bizikidetzeta eta Lankidetzaren Idazkaritza Nagusiaren barnean sartu dela legegintzaldi honetan. Aldaketa hori Lehendakariak Giza Eskubideen ikuspegia Jaurlaritzaren ekintzan indartzeko duen asmoari erantzuteko egin da, eta, era berean, uste delako koherenteagoa dela Garapenerako Lankidetzaren Euskal Agentzia (GLEA) eta Garapenerako Lankidetzaren Euskal Kontseilua Idazkaritza horren barnean sartzea. Bestalde, barkamena eskatu du bilkura hau berandu egin delako hainbat faktore tarteko, hala nola legegintzaldi-aldaketa, egituraren izandako aldaketa, osasun-arazoak eta izendapenak berritzeko premia. Dena den, adierazi du indar handiz ekin nahi zaiola hausnarketa partekatua egingo duen eta ondorio partekatuak (ahal bada) aterako dituen legegintzaldiari. Adierazi du berehalako erronka Gidaplanaren Jarraibide Nagusiak Eusko Legebiltzarrean aurkeztea dela. Espero du dokumentu hori Gidaplana egin aurreko elkarrizketarako tresna bat izatea. Azkenik, adierazi du espero duela Garapenerako Lankidetzaren Euskal Kontseilua benetako elkarrizketa argia izateko gune bat izatea ahalik eta lankidetzarik hoberena garatzeko.

Jarraian, parte hartu duten pertsonak aurkezteko txandari ekin zaio.

1. GAI-ZERRENDA EZARTZEA

Jonan Fernándezek azaldu du Garapenerako Lankidetzaren Euskal Kontseiluaren bilkuretako gai-zerrenda Batzorde Iraunkorrean onartu behar dela. Baina bilkura honen kasuan ezin izan da Batzorde Iraunkorra deitu Batzorde hori bilkurak izendatu behar duelako batzordekide berrien artetik. Hortaz, gai-zerrendaren proposamen bat aurkeztu du eta osoko bilkurak bozketa egin du. Koordinakundeak eskatu du Hainbat gai, galde-eskeak puntuan gai bat sartzea euskal lankidetzeta publikoaren gardentasun-webguneari buruz. Honako gai-zerrenda hau onartu da aho batez.

- Aurreko bilkuraren akta irakurri eta onartzea
- Batzorde Iraunkorrerako izendapenak
- Kontseilu Errektorerao langileen izendapenak
- Garapenerako Lankidetzako Eragileen Erregistroari buruzko Dekretu Proiektua
- “Euskal lankidetzeta garapenaren nazioarteko testuinguru berrian: azterketa eta proposamenak tresnen markoari, agenteei, eta partaidetzako eta elkarrizketako guneei dagokienez” azterlana aurkeztea
- 2016ko Urteko Memoria
- 2017ko Urteko Plan Operatiboa
- Estrategiei buruzko informazioak:
 - edo Laguntza Humanitarioko Estrategia
 - edo **(H)ABIAN 2030** Gizarte Eraldaketarako Hezkuntza Estrategia

- Hainbat gai, galde-eskeak
 - Euskal lankidetzaren publikoaren gardentasun webgunea

2. AURREKO BILKURAREN AKTA IRAKURRI ETA ONARTZEA

Bertaratuek ezer esatekorik ez dutenez, bertaratuek aho batez onartutzat eman da akta.

3. BATZORDE IRAUNKORRERAKO IZENDAPENA

Jonan Fernándezek sarrera txiki bat egin ondoren, Paul Ortegak azaldu du, 158/2008 Dekretuaren arabera, Batzorde Iraunkorrek zer osaera izan behar duen eta zer egiteko izan behar dituen; halaber, adierazi du izangaiak proposatu behar direla batzordekideen artetik Eusko Jaurlaritza ez diren beste euskal Administrazio publikoak eta gizarte-eragileak ordezkatzeko. Esan du, halaber, hautaketa osoko bilkurak egingo duela ordezkaturako taldeak proposatuta.

Eusko Jaurlaritza ez diren beste Administrazio publikoek María Guijarro proposatu dute titular gisa eta Nekane Zeberio ordezkari gisa.

Euskadiko GGKEen Koordinakundeak Mila Domínguez eta Iñaki Orube proposatu ditu titular gisa Eneko Gerrikabeitia eta Eva Silván ordezkari gisa.

Euskadiko GGKEen Koordinakundeak ordezkaturako ez dauden euskal gizarte-eragileek Gorka Urrutia proposatu dute titular gisa eta Igone Revilla ordezkari gisa.

Osoko bilkurak proposamenaren bozketa egin du eta aho batez onartu da.

4. KONTSEILU ERREKTORERAKO LANGILEEN IZENDAPENA

Paul Ortegak jakinarazi du 5/2008 Legearen arabera, Kontseilu Errektoreak – Garapenerako Lankidetzaren Euskal Agentziaren erabaki, administrazio eta kontroleko organo gorenak– hiru kontseilukide izan behar dituela Garapenerako Lankidetzaren Euskal Kontseilua ordezkatzuz. Kide horiek Kontseiluak hautatuko ditu Kontseilua osatzen duten pertsonen artetik.

Euskadiko GGKEen Koordinakundeak Sofía Marroquín eta Josu Urrutia proposatu ditu titular gisa eta Iñigo Eguren eta María del Mar Magallón ordezkari gisa.

Euskadiko GGKEen Koordinakundeak ordezkaturako ez dauden euskal gizarte-eragileek Patricia Bárcena proposatu dute titular gisa eta Elsa Fuente ordezkari gisa.

Osoko bilkurak proposamenaren bozketa egin du eta aho batez onartu da.

5. GARAPENERAKO LANKIDETZAKO ERAGILEEN ERREGISTROARI BURUZKO DEKRETU-PROIEKTUA

Jonan Fernándezek sarrera labur bat egin ondoren, Paul Ortégak, 1/2007 Legearen 10. artikulua araberak, Garapenerako Lankidetzako Eragileen Erregistroa sortzeko bete gabe dagoen konpromisoa aurkeztu du. Adierazi du Erregistro hori sortzeko, GLEA Euskadiko Garapenerako Lankidetzako Eragileen Erregistroa sortu eta arautuko duen Dekretu Proiektua izapidetzen ari dela eta Dekretu hori onartzeko behar diren izapideen artean, 158/2008 Dekretuaren 2.a) artikuluan ezartzen denaren arabera, GLEKaren nahitaezko txostena behar dela. Era berean, adierazi du, izapide hori egiteko, testua uztailean helarazi zitzaizela GLEKeko kideei eta irailaren 20ra bitarteko epea jarri zela alegazioak egiteko. Jakinarazi du ezarritako epean ekarpenik eta iruzkinik egin ez denez, GLEAk nahitaezko txostenaren zirriborro bat egin duela eta dokumentazioari erantsi zaiola. Txosten horretan erabaki da oharririk ez dagoenez, GLEK osatzen duten pertsonak aho batez erabakita, Dekretu Proiektuaren aldeko txostena egin dela.

Horrez gain, esan du Dekretu Proiektua beste kontsulta-organo batzuei helarazi zaiela beren ekarpenak egin ditzaten, eta, ondoren, Kontrol Ekonomikoko Bulegora eta Aholku Batzorde Juridikora bidaliko dela. Kontsultak eta txostenak egiteko prozedura osoa amaitu eta dagozkion aldaketak egin ondoren, Gobernu Kontseiluan onartuko da eta, ondoren, abian jarriko da EHAAren argitaratu ostean.

Iñaki Orubek adierazi du Koordinakunde gisa ez zutela ekarpen zehatzik, proposamena orokor samarra dela eta orain dela urte batzuk landu zenaren ildotik doala uste dutelako. Eta Dekretuak zer irismen eta erabilgarritasun izango duen galdetu du.

Ana Rojo Gonzálezek esan du lehenengo erabilgarritasuna legezko betebeharra betetzea eta erakundearen gaitasuna eta kaudimena bermatzea dela. Adierazi du, gaur egun, izapidetze telematikoari esker, GLEAk identifikatuta dauzkala deialdian normalean parte hartzen duten erakunde guztiak. Baina Legeak (zeinak esaten baitu Erregistroan zer erakunde inskriba daitezkeen) inskriba daitezkeen erakundearen kopurua handiagoa izatea ahalbidetzen duela (onartutako estatutu edo dokumentuetan garapenerako lankidetzaren erakundearen helburutzat duten eta ekintza horiek 1/2007 Legearen printzipioen eta helburuen barruan egikaritzen dituzten erakundeak). Horrenbestez, litekeena da GLEAn oraindik erregistratuta ez dauden eta inskribatu nahi duten erakundeak egotea. Halaber, adierazi du erregistroa sortzea funtsezko urrats bat dela beste Administrazio batzuekiko elkarrengarritasuna erabili ahal izateko, betiere Administrazio horien baldintzak GLEAren baldintzekin bat badatoz.

Iñaki Orubek galdetu du dekretuak Eusko Jaurlaritzari soilik eragiten dion eta Ana Rojok baieztatu egin du.

Osoko bilkurak txosten-proposamenaren bozketa egin du eta aho batez onartu da.

6. “EUSKAL LANKIDETZA GARAPENAREN NAZIOARTEKO TESTUINGURU BERRIAN: AZTERKETA ETA PROPOSAMENAK TRESNEN MARKOARI, AGENTEEI, ETA PARTAIDETZAKO ETA ELKARRIZKETAKO GUNEEI DAGOKIENEZ” AZTERLANA AURKEZTEA

Jonan Fernándezek sarrera labur bat egin ondoren, aurreko legegintzaldian eskatutako azterlana aurkeztu du Paul Ortegak. Azterlan horrek lankidetzaren berriz pentsatzeko eta eztabaida-prozesua ezartzeko helburuari erantzuten zion. Azterlanaren helburua honako hau zen: landutakoa eta euskal lankidetzari buruzko hainbat argitalpenetan egindako gogoetak, nazioarteko testuinguruan azken urte hauetan izan diren aldaketak, garapen-agenden eta garapen-ereduen inguruko hausnarketak biltzea, lankidetzaren eragile askorekin hitz eginez eta ideiak haiekin erkatuz. Adierazi du azterlan osoa eta laburpen exekutiboa aspalditik daudela argitaratuta GLEAREN webgunean. Eta GLEAK azterlan hori bere egiten duela euskal lankidetzaren berriz pentsatzeko prozesurako funtsezko ekarpena dela uste duelako.

Azterlanaren egile Nacho Martínezek aurkezpen bat egin du.

Iruzkina eta galderak egiteko eta elkarrizketarako tarte ireki da.

Josu Urrutiak, Euskadiko GGKEen Koordinakundearen izenean, eskerrak eman ditu prozesua azaltzeagatik eta dinamika zein den erakusteagatik, interesa zuen pertsona orok parte hartzeko aukera izan baitzuen. Eta galdetu du zer esan nahi duen GLEAK azterlana bere egiten duela.

Jonan Fernándezek esan du dokumentua ez dela arauemailea, baizik eta hausnarketa estrategikoa egiteko testuinguru eraldatzailea eskaintzen duela epe ertainera, lau urtean bukatuko ez dena. Gaineratu du arauemailea dena Gidaplana dela. III. Gidaplana 2017an amaituko dela eta 2018. urtearen hasieran Gidaplan berri bat egingo dela. Adierazi du, halaber, dokumentu horretan jaso behar dela lankidetzaren ikuspegi erreformatzailea eta erreformatzailea, dokumentu hori epe ertaineko berrikuspen estrategiko horretan oinarritzen baita.

Iruzkina horretaz baliatuz, plangintza berria egiteko hurrengo urratsak zein diren aurkeztu du. Lehenengo urratsa 2018-2021 aldirako urte anitzeko plangintza estrategikoaren Jarraibide Nagusiak aurkeztea izango da. Jarraibide horiek Eusko Legebiltzarraren Giza Eskubideen, Berdintasunaren eta Herritarren Partaidetzaren Batzordean onartu beharko dira. Adierazi du lehenengo dokumentu hori oso aurreratuta dagoela eta urriaren 25ean aurkeztuko dela Kontseilu Errektorean onartzeko. Aurreikusten da egun horien inguruan bilera bat egingo dela Euskadiko GGKEen Koordinakundearekin dokumentua aurkezteko, Eusko Legebiltzarrerara bidali baino lehen. Argitu du dokumentu hori Dekretu Proiektuaren atariko dela, baina azken horrek definitzen duenak izango duela garrantzia. Orobat, gehitu du III. Gidaplanaren ebaluazio-prozesua hasten ari dela, eta, aldi berean, elkarrizketa bat irekiko dela Gidaplan berria egiteko. Ildo horretan, esan du datorren seihilekoa oso garrantzitsua izango dela, Gidaplan bat egiten saiatuko direlako. Gidaplan horrek ikuspegi parte-hartzailea izango du eta Jarraibide Nagusien filosofia agertuko du, baina modu

errealistan, lau urteetan egiteko gai garenaren arabera. Azkenik, adierazi du Jarraibide Nagusiak azaroaren 15erako aurreikusita dagoen GLEKaren hurrengo bilkuran aurkeztuko direla, baldin eta Batzorde Iraunkorra ados badago.

Beste inork txanda eskatu ez duenez, eskerrak eman dizkio Nacho Martínezi parte hartzeagatik.

7. 2016ko URTEKO MEMORIA

Jonan Fernándezek adierazi du puntu hau informazioa emateko dela, eta beraz, ez dela onartu beharrik.

Josu Urrutiak, Euskadiko GGKEen Koordinakundearen izenean, eskerrak eman ditu memorian aurkezteko jarritako epearengatik. Eta 26. orriko taulari eta orri-oineri buruzko azalpenak eskatu ditu. Noemí de la Fuentek aurrekontuaren eta funts banagarrien artean dagoen aldea, aurrekontuaren eta egikaritzearen artean dagoena, eta aurrekontua betetzearen, urteko kontuen eta Garapenerako Laguntza Ofizialari dagokionez izandako fluxuen (Kanpo Arazoetako eta Lankidetzako Ministerioari jakinarazi zaizkionak) artean dauden aldeak azaldu ditu kasu bakoitzean irizpide desberdinak erabili direlako; era berean, aurreko aurrekontuen konpromisoen taularen bigarren zutabea zeri dagokion azaldu du.

8. 2017ko URTEKO PLAN OPERATIBOA

Jonan Fernándezek sarrera txiki bat egin du. Bertaratutakoek ez dute horren inguruko komentariarik egin.

9. ESTRATEGIEI BURUZKO INFORMAZIOAK

Laguntza Humanitarioko Estrategia

Paul Ortegak Ekintza Humanitarioko Estrategia (EHE) egiteko prozesua aurkeztu du. GLEAk, urtearen hasieran, Ekintza Humanitarioko Unitatea (EHU) jarri zuen abian Ekintza Humanitarioko Estrategia egiteko lana koordinatzeko 2017. urtean. Prozesua otsailean hasi zen EAEn egoitza duten erakundeetara 100 inkesta bidali zirenean eta erakunde horiei 13 elkarrizketa egin zitzaizkienean, erakunde horiek eremu humanitarioan egiten zuten lana (egikaritutako proiektuak, testuinguruak eta kide aliatuak eta sentsibilizatzeko eta eragiteko jarduerak) sakon aztertzeke eta Ekintza Humanitarioko Estrategiari buruz eta GLEAren zereginari buruz zer itxaropen zuten jakiteko.

Martxoan, 2016ko Munduko Goi Bilera Humanitarioaren ondoren lankidetzaren deszentralizaturako proposatutako erronkei buruzko hausnarketa egiteko Jardunaldi ireki bat garatu zen. Martxoan, apirilean, irailean eta urrian, Ekintza Humanitarioko Unitatea adituekin elkartu zen euskal lankidetzak eremu humanitarioan egin dezakeen

ekarpena erkatzeko eta euskal lankidetzaren zeregina nola indar daitekeen ikusteko. Maiatzean, lan-bilera bat egin zen; bilera horretan 12 GKEk eta Euskadiko GGKEen Koordinakundeak hartu zuten parte. Maiatzaren bukaeran bilera bat egin zen Erakundearteko Batzordearekin, Ekintza Humanitarioko Estrategiak egindako aurrerapenak bateratzeko eta ekintza humanitarioko eremuko koordinazioa, osagarritasuna eta egon litezkeen aliantzak lantzeko. Horrez gain, udan, Koordinakundeak eta Oxfam Intermónnek idazki bidez egindako ekarpenak jaso dira.

Prozesuan zehar, Hegoari eta IECAH Institutuari eskatu zaie bost informazio-koaderno egin ditzatela eztabaida indartu ahal izateko. Orain arte lehenengo hirurak bidali dira eta eskuragarri daude GLEAren webgunean. Gainerako biak laster sozializatuko dira

Datozen asteetan, talde teknikoko hiru pertsona Afrika Erdiko Errepublikara eta Kamerunera joango dira eskualde horretan ezarritako proiektuak ezagutzeko.

Input horiekin guztiekin, azken hiruhilekoan Ekintza Humanitarioko Estrategia idazten ari dira eta erkaketa berriak egingo dira erakundearteko batzordearekin, Eusko Jaurlaritzako beste sail batzuekin, eta erakundeen aurrean aurkeztuko da (azaroaren amaieran/abenduren hasieran). Azarotik abendura bitarteko epean dokumentua Irekita igoko da herritarren ekarpenak jasotzeko. Azken dokumentua prest egongo da urte amaierarako. Aldi berean, dekretu arautzailea berrikusten hasiko dira eta 2018an izapidetuko da. Urte horretan, ekintza humanitarioko proiektuetarako inprimakiak eta baremoak ere egokituko dira.

Eneko Gerrikabeitiak esan du trukerako eta elkarrizketarako gunek bat eduki nahiko luketela udan bidali zituzten ekarpenak oinarri hartuta, haien ustez estrategia sakonago azter daitekeelako, eta alderdi batzuk hobeto definitu eta/edo zehaztu. Paul Ortegak adierazi du aurreikusita dagoela elkarrizketarako eta itzulketarako gunek hori azaroan zehar garatzea.

Gorka Urrutiak Ekintza Humanitarioko Unitateari buruz eta haren jarraitutasunari buruz galdetu du. Paul Ortegak esan du estrategian ikusiko dela zer itxura hartzen duen, baina erreferentziatzko egitura motaren bat izango dela.

Jonan Fernándezek jakinarazi du oraindik formalki onartuta ez badago ere, Giza Eskubide, Bizikidetzaren Idazkaritza Nagusiak dokumentu marko bat egin duela Europako mugetan errefuxiatutako pertsonen krisiari ematen zaion erantzuna bideratzeko, eta, era berean, jakinarazi du ekintza-ardatzetako bat Ekintza Humanitarioko Estrategiaren filosofiarekin bat datorrela. Gainera, aurreratu du beste dokumentu bat egiten ari direla erlijioa aitzakiatzat hartzen duen nazioarteko terrorismoaren mehatxua lantzeko, eta dokumentu horretan ere bilduko direla Ekintza Humanitarioko Estrategiarekin lotuta egongo diren ekintza prebentiboak eta humanitarioak. Argitu du sailarteko lotura duten dokumentuak direla.

Errefuxiatuen krisiari erantzuteko dokumentu markoari dagokionez, Eva Silváneg galdetu du kolektibo jakin batzuei lehenetsuna emango ote zaien, erantzuna Mediterraneoko herrialdetara mugatuko ote den edo errefuxiatuen krisiari buruz zer

kontzeptualizazio egiten den eta laguntzak nola bideratuko diren. Paul Ortegak erantzun du planteamendu irekia dela eta planteamendu horretan une bakoitzean landuko den eta urtetik urtera zehaztuko den lan-ardatz bat definitzen dela. Horrez gain, esan du humanitarioki gehien interpelatzen denari, baina errefuxiatuen errealitatera irekita dagoen horri erantzuten saiatzen ari direla.

Carlos Askunzek eskatu du erlijioa aitzakiatzat hartzen duen nazioarteko terrorismoaren eta errefuxiatuak artatzeko dokumentu markoaren eta Ekintza Humanitarioko Estrategiaren artean zer lotura dagoen azaltzea. Paul Ortegak erantzun du erlijioa aitzakiatzat hartzen duen nazioarteko terrorismoa lantzeko dokumentuak soilik ikuspegi poliziala edukiko balu ez lukeela zentzurik izango; baina ikuspegi integrala duen ikuspuntu bat eman nahi zaiola arazoari, erradikalizazioa prebenitzeko eta kulturarteko eta erlijioarteko integrazioa lortzeko jardunda hemen, eta modu prebentiboan edo humanitarioan jardunda erlijioa aitzakiatzat hartzen duen nazioarteko terrorismoa kalte handiena egiten ari den lekuetan.

(H)ABIAN 2030 Gizarte Eraldaketarako Hezkuntza Estrategia

Jonan Fernándezek gogoratu du **(H)ABIAN 2030** gizarte-eraldaketarako euskal hezkuntza-estrategia dela, hainbat eragilerek in egindako ikerketa-, ebaluazio- eta alderatze-prozesu parte-hartzaile baten ondorioz sortu dena. Ia bi urtez lanean jardun ondoren, joan den martxoaren 3an aurkeztu zen estrategia hori eta hiru Foru Aldundiak, euskal hiriburuetako 3 Udalak, Euskal Fondoa, EHNE eta KCD lehenengo aldiz atxiki zitzaizkion estrategia horri. Egun hartan bideo bat egin genuen estrategia horrek iragartzen dituen ametsak, ilusioak eta erronkak biltzeko. Bilkuraren amaieran bideoa jartzea proposatu du.

Paul Ortegak azpimarratu du beren espezifikotasunetik estrategia horretan lagundu nahi duten eragileentzat oraindik ere irekita dagoela estrategia horri atxikitzeko aukera; atxikitzen direnek jarraipen-batzordean parte hartu ahal izango dute. Dagoeneko egin da batzorde horren bilera bat.

Horrez gain, esan du **(H)ABIAN 2030** Estrategiari laguntzeko, GLEAk honako jarduera hauek aurreikusi dituela datozen hilabeteetarako: urriaren 27an, Gasteizen, izango den metodologia hezkidetzari buruzko Heziketa Topaketa Hezkuntza Sailarekin batera eta Emakunderen laguntzarekin; Euskal Gazteak Lankidetzan programaren ebaluazioa, ekintzari buruzko sentsibilizazioaren eta ekintzarekiko konpromisoaren arteko loturaren inguruko ikaskuntzak ez ezik, topaketari eta kulturartekotasunari buruzko ikaskuntzak ere sortzeko.

Gehitu du barruan ahalegina egiten ari direla Giza Eskubide, Bizikidetzeta eta Lankidetzaren Idazkaritza Nagusiak bere barnean hartzen dituen eremuetan hezkuntzaren alorrean gauzatzen ari diren lana koordinatzeko. Jonan Fernándezek esan du arlo batzuk sailartekoak eta zeharkakoak direla (errefuxiatuak, nazioarteko terrorismoa). Era berean, jakinarazi du, alde batetik, Giza Eskubideetan oinarritutako hezkuntza-programa osagarri bat landu dela, zeinaren bitartez memoria hurbilarekin, Gogorarekin eta lankidetzaren ikuspegiarekin zerikusia duten hezkuntza-ekimen guztiak osatu nahi baitira, eta, bestetik, dokumentu hori Gizalegez sinatu zutenekin

partekatatu dela. Dokumentu horrek oso harrera ona izan du eta garatzen jarraituko da. Jonan Fernándezen ustez, honako hauek politiken koherentzia-ideiaren lagin txikiak dira: hainbat eremutatik hainbati eragiten diguten gaiak sailen artean partekatzea.

10. HAINBAT GAI, GALDE-ESKEAK

Iñigo Egurennek, GGKEen Koordinakundearen izenean, euskal lankidetzaren publikoaren gardentasun-webgunearen egoerari buruz galdetu du. Adierazi du Koordinakundeak uste duela tresna hori oso erabilgarria izango dela Koordinakundearentzat nahiz herritarrentzat oro har. Eta tresna aztertzeko eta Koordinakundeak duen esperientziatik ekarpenak egiteko tarte bat eskatzen du; izan ere, Koordinakundeak urte asko daramatza informazio hori biltzen zailtasun handiz aztertzeko.

Paul Ortegak adierazi du erakundearteko proiektu bat dela eta Garapenerako Lankidetzaren Erakundearteko Batzordeak egingo duen hurrengo bilkuran landuko direla egin behar diren hurrengo urratsak (azken doikuntzak, jendeari aurkeztea, tresnaren mantentze-lanak, eta abar). Eta Batzorde Iraunkorrak egokia dela irizten badio, Kontseiluaren hurrengo bilkuran aurkeztu ahal izango dela, atariko gisa, tresna.

Iñigo Egurennek galdetu du hobetzeko ekarpenak egiteko guneren bat izateko aukerarik ba ote dagoen. Paul Ortegak adierazi du tresna egiteko lehenengo faserako kontratua amaitu dela, eta, ekarpenen itxuraren arabera, ikusi beharko litzatekeela fase honetan sar daitezkeen oraindik edo hedatzeko eta hobetzeko faserako utzi beharko liratekeen. Noemí de la Fuentek eskatu du ekarpenak bidal ditzatela Garapenerako Lankidetzaren Erakundearteko Batzordeak balioetsi ahal izateko ekarpen horiek sartu behar diren ala ez.

Patricia Bárcenak berriro heldu dio erlijioa aitzakiatzat hartzen duen nazioarteko terrorismoari buruzko dokumentua eta terrorismoaren eta errefuxiatuen artean egin daitezkeen loturaren arriskuari buruz ohartarazi du; izan ere, gizartean oso erraz sartzen den eta kalteak eragiten dituen diskurtsoa da. Jordi Campás ados dago Patricia Bárcenak eskatu duenarekin. Jonan Fernándezek argitu du dokumentu bat bestearen ondoren aurkeztu badu ere, bi dokumentu horiek ez dutela zerikusirik elkarren artean. Ziurtatu du nazioarteko terrorismoari buruzko dokumentuan ez dela behin batean ere azaltzen *errefuxiatuak* hitza. Baina bi dokumentuetan aipatzen dela ekintza humanitarioak eta prebentiboak behar direla, eta, horregatik, azalpenean bi dokumentuak ekintza humanitarioko estrategiarekin lotu dituela. Adierazi du, gainera, erlijioa aitzakiatzat hartzen duen nazioarteko terrorismoari nola erantzun behar zaion azaltzen duen Jaurlaritzaren sailarteko dokumentuaren buru Giza Eskubide, Bizikidetzaren Idazkaritza Nagusia izateak ere erantzuten diola eman nahi zaion ikuspegiari. Eta berriro ere esan du gauza bataren eta bestearen artean ez dagoela ez zuzeneko loturarik, ezta zeharkakorik ere.

Paul Ortegak, GLEAtik mezu espezifiko bat igorri die Agentziaren finantzaketa duten eragileei 2017. urteko aurrekontu-betearazpenari dagokionez. Azaldu du urte anitzeko ordainketa-sistemarekin, aurrekontua ekitaldian behar bezala betetzeko, funtsezkoa dela bigarren eta hirugarren ordainketetako txostenak garaiz eta ezarritako moduan edukitzea. Gogoratu du azken urte hauetan GLEA aurreikuspen- eta jarraipen-lana egiten ari dela erakundeekin eta garrantzitsua dela aurreikuspen horiek betetzea funtsak egikaritu gabe ez uzteko. Erakundeei eskatu die, arren, kontuan har dezatela erantzunkidetasun hori eta dauzkaten aurreikuspenei buruzko informazio zehatza eman dezatela eta konpromiso horiek bete ditzatela.

Azkenik, Paul Ortegak hurrengo bileren datak aipatu ditu:

- urriaren 25ean: GLEKaren Kontseilu Errektorea eta Batzorde Iraunkorra

- azaroaren 15ean: GLEKaren Kontseilu Errektorea eta osoko bilkura

Horrez gain, aurreratu du GLEKaren hurrengo bilkurarako, GLEAk Batzorde Iraunkorrean proposatuko duela honako gai hauek gutxienez lantzea: genero-berdintasunaren aldeko erakunde-aldaketako prozesuak sustatzeko proiektuetarako laguntzei buruzko dekretu-proiektuaren nahitaezko txostena, 2018-2021 aldirako Urte Anitzeko Plangintza Estrategikoaren Jarraibide Nagusiak aurkeztea eta haien proposamenari buruzko elkarrizketa eta informazio-sistema aurkeztea.

(H)ABIAN 2030 Gizarte Eraldaketarako Hezkuntzaren euskal Estrategia aurkezteko bideoa jarri da.

Lantzeko gai gehiago ez dagoenez, Jonan Fernándezek eskerrak eman dizkie partaideei bertaratzeagatik eta bilkura amaitutzat eman du 11:49an.

NOEMÍ DE LA FUENTE PEREDA
GARAPENERAKO LANKIDETZAREN
EUSKAL KONTSEILUKO IDAZKARIA

JUAN ANTONIO FERÁNDEZ
ERDOCIA
GARAPENERAKO LANKIDETZAREN
EUSKAL KONTSEILUKO
PRESIDENTEA

